

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

Zaključak
o produženju roka za donošenje konačnog rješenja

Sarajevo,
septembar, 2011. godine



Broj: 04-26-2-05- -II/11
Sarajevo, 29.09.2011. godine

Na osnovu člana 25. stav (1) tačka d), člana 41. stav (2), člana 42. stav (2) Zakona o konkurenciji („Službeni glasnik BiH“, br.48/05, 76/07 i 80/09) i člana 210. Zakona o upravnom postupku („Službeni glasnik BiH“, broj: 29/02, 12/04, 88/07 i 93/09), Konkurencijsko vijeće je na 17. (sedamnaestoj) sjednici održanoj dana 29.09.2011. godine, donijelo

ZAKLJUČAK **o produženju roka za donošenje konačnog rješenja**

Produžava se rok za donošenje konačnog rješenja, za dodatna 3 (tri) mjeseca, u postupku koji se vodi pred Konkurencijskim vijećem po Zaključku o pokretanju postupka po službenoj dužnosti, broj: 04-26-2-05-01-II/11 od dana 08.06.2011. godine, protiv privrednog subjekta „Amadeus BH,, d.o.o Sarajevo, Hamida Beširevića do 82, 71000 Sarajevo, radi utvrđivanja zloupotrebe dominantnog položaja iz člana 10. stav (2) tačke a) i d) Zakona o konkurenciji.

O b r a z l o ž e n j e

Konkurencijsko vijeće je dana 08.06.2011. godine pod brojem : 04-26-2-05-01-II/11 donijelo Zaključak o pokretanju postupka po službenoj dužnosti (u daljem tekstu: Zaključak), protiv privrednog subjekta „Amadeus BH,, d.o.o Sarajevo, Hamida Beširevića do 82, 71000 Sarajevo (u daljem tekstu: „Amadeus BH“), radi utvrđivanja zloupotrebe dominantnog položaja iz člana 10. stav (2) tačke a) i d) Zakona o konkurenciji (u daljem tekstu: Zakon).

U skladu sa članom 33. stav (1) Zakona, Konkurencijsko vijeće je, dana 08.06.2011. godine aktom broj: 04-26-2-05-6-II/11, privrednom subjektu „Amadeus BH“ dostavilo predmetni Zaključak na odgovor, nakon čega je privredni subjekt „Amadeus BH“ putem punomoćnika, advokatske kancelarije Spahe, Mehmeda Spahe 8/II, 71000 Sarajevo, dana 24.06.2011. godine podneskom broj: 04-26-2-05-15-II/11, dostavio nepotpuni odgovor na isti, tražeći istovremeno pojašnjenje tvrdnji navedenih u Zaključku.

Također, u toku postupka, privredni subjekt „Amadeus BH“ se dana 19.07.2011. godine podneskom broj: 04-26-2-05-25-II/11 obratio Konkurencijskom vijeću sa zahtjevom u

kojem traži produženje roka za davanje adekvatnog odgovora na predmetni Zaključak. Konkurencijsko vijeće je razmotrilo navedeni zahtjev i utvrdilo da postoje opravdani razlozi za usvajanje istog, te je u skladu sa članom 33. stav (4) Zakona, privrednom subjektu „Amadeus BH“, dana 19.07.2011. godine aktom broj: 04-26-2-05-26-II/11, odobreno produženje roka za dostavljenje odgovora na Zaključak, za dodatnih 10 (deset) dana.

Obzirom da je u predmetnom postupku, za utvrđivanje činjeničnog stanja i ocjenu dokaza potrebno izvršiti dodatne analize, te da se radi o osjetljivom tržištu, Konkurencijsko vijeće je produžilo rok za donošenje konačnog rješenja za dodatna 3 (tri) mjeseca, u smislu člana 41. stav (2) Zakona o konkurenciji, te je odlučilo kao u dispozitivu ovog Zaključka.

Pouka o pravnom lijeku:

Protiv ovog Zaključka nije dozvoljena žalba.

Predsjednik

dr. Stjepo Pranjić